

醫方易簡新編

第一卷

治身體各症

第二卷

治婦女各症

癥瘕辨論並方

胎前產後各症

附臨產要方

產後用生化湯加減法

卯 13

7

共 4 冊

別



咸豐元年刊

醫方易簡新編

如看出錯誤字祈
詳示本齋更正爲禱

板存琉璃廠東門外
飯子廟路東
會文齋刷印每部
白紙大錢文



北京中醫藥大學
圖書館藏

敘

黃太史伯乘余戊戌分校

闡時所薦士也居恆敦善不

怠近出所刊醫方易簡編問

序於余披閱一遍喜其類別

門分簡而易行洵屬有裨於



毋昔程子云一命之士當存
濟物伯垂困名場者幾世載
其中南北奔馳日不暇給而
每欲成是書為濟物計又
復薰資衆力或分輯或分
校或分任鳩工其政一為善之



心庶幾程子之意歟歲庚戌
書甫成伯垂適成進士登第
洲亦立見福善之應豪族不
爽矣惟是善量無窮擴充為
貴異時存履清華數磨中
外更推是心以為仁愛之術

其所濟不愈大哉余嘉伯
之志為并教語即以加勉焉
咸豐元年歲次辛亥孟春
江陰李芝昌書



敘

醫方易簡編者龔君月川所

撰也黃君伯垂將付手民壽

諸剖剝屬余首路導其引隍

余中古之書罕據夫殘竹上

池之水未飲夫長染奚足以



被飾芝函揆張蔭翰然觀
君名篇之意黃君樂善之
易知易從挾乾坤之蘊欲立
欲達宏博濟之方詳其旨趣
有可言焉夫藺茹傳卵雀之
丸麥鞠寄河魚之譏古初方



齊於此權輿泉乎八十一難
越人闡其鏡經百十三方
沙洞其機要王成孫褚並軌
爭趨劉李張朱聯鑣競轡或
緣經以立訓或通變以設權
或發難以拒疑或矯枉以糾



北京中医药大学图书馆

謬莫不楷撫後進圭臬前徽
而薪傳既遙枝分愈遠津逮
之塗則一同源之派易歧厥
蔽所存其流有四史公釣竒
敘援熊之夢干寶誌恠傳療
龍之神不過搜方伎之瓌聞



資文章之瑀飾而萍蘆餘瀝
豔說乎挂蛇榆莢懸癰侈徵
乎剖蛤是有神工無關要訣
好奇之蔽其流一也養性養
命中和筦其樞齊剛齊柔涼
燠區其用即允害而承制必



陽祕而陰平乃論宣明於暑
火蘖苦不皤蒸靈液於水雲
桂辛是餌石火三斗陳冰一
盤見偏之蔽其流二也司天
有化氣辨夫客淫帝問無方
功憑夫砭刺而九鍼之名莫



南京中医药大学图书馆藏

究七元之運易差必欲揣量
竒經權衡尅勝則青囊晻
卷已軼乎丙丁黃道推遷紀
久讐乎甲子泥古之蔽其流
三也醫者意也神契夫臨幾
方者倣也義宗夫成法故華

專處齊稱量乎分銖敬輿
方博求乎經驗而或心昧
獲臆逞圓機古人欺我謂金
匱之可刪大藥何名譬玉卮
之無當師心之蔽其流四也
四者汨流變生三惑無洞垣



南京中医药大学图书馆藏

之明有獵名之術痛聞禁要
居然九折之肱暫習方書遂
註千金之翼飛豪走翰淵乎
莫窮按脈循經茫無一驗此
一惑也黨同伐異別戶分門
言各成於一家書未窺夫三

世宗景岳之論遽詎河間讀
節菴之篇翻疑仲景窺豹不
全測蠡自隘此二惑也又其
下者家傳舊業則享帚獨矜
技擅專科則席玆是祕非有
龍宮之禁爭為蠅利之營宗



人泝泝之藥祇以得金元禮
蒼萃之傳謀諸肱篋醫非
道人有心此三惑也則欲
鏡四流之謬祛三惑之滋埽
心路之荆榛發神功於草木
今之作者意在斯乎龔君博

